



Sabtu, 16 Januari 2021

Ogen: I Timotius 4:12-16



"TANGGUNG JAWAB ANAK SINGUDA"



Sekalok anak perana sitergelar Evan Dester, si tading ibas negara Amerika (San Fransisco) sempat jadi topik percakapen dunia ibas tahun 1990. Evan Dester, ibereken bapana me celengen guna ipepulungna me sen ibas celengen e mulai ia umur 5 tahun. Nina bapana, adi la perlu la padah ibuka celengen e, lit nge pagi perluna maka pakeken sen bas celengen e. 6 bulan paksa si e, mate me bapana ndai. Tiap tahun ngerana me kakana, agina guna ibuka celengen e, tapi nina Evan, lang lenga bo perlu sebab nina bapata, ija pagi perlu ije maka ipake sen e. Emaka la tuhu gejap usia Evan nggo 25 tahun, celengen ndai tetap isusunna seh erkotak-kotak ibas sada kamar si galang.

Seh me ibas sada wari, lawes me Evan enda ku gereja tupung ia lit tugas kantor ku sada daerah. Seh Evan i gereja ndai melala kel iidahna kalak si erbinaga si uisna pe la metunggung, kundul i darat gereja. Itungkir Evan me bas gereja nari, iidahna me kerina si lit ibas darat gereja ndai rende ras ikut megiken kata Dibata, sedak kel pusuh Evan natapsa. Emaka paksa ia ertoto ngerana ia man Tuhan, Tuhan amin gia aku nguda denga, bere dalam bangku guna banci ndalanken sura-surandu. Mulih Evan gereja nari emaka tetap ukurna guna ndarami ingan gelah banci ipajekken je sada rumah pertoton guna banci ise pe reh kuje khususna kerina sierbinaga bas kota e. Ipakekenna me kerina sen si mulai umur 5 tahun seh ku umurna 25 tahun. Enda me paksa si pas banci ipake sen e, bagi nina bapana sange, lit nge pagi perluna maka ipake sen e, seh maka ibegi teman-temanna sura-sura Evan e nampati Evan nikapken rumah pertoton e.

I Timotius 4:12-16 enda, jadi sada pergegeh man anak singuda gelah tetap banci tetap jadi pasu-pasu bas kegeluhenna. Timotius pe jadi usihen tupung ia nguda denga, idahikenna dahinna alu ertanggung jawab arah kai si nggo ibereken Dibata man bana. Emaka, ndahiken dahin Dibata alu ertanggung jawab, bagi nina bas ayat 15-16 "Dalankenlah si enda kerina alu tutus, gelah kerina kalak ngidah kemajunndu. jggalah dirindu ras kai si iajarkenndu. Tetaplah dalanken si enda sabap ibas kam ndahiken dahin e iselamatkenndu me dirindu bage pe kalak si deban si megiken kam.

Evan selaku anak singuda nggo ncidahken tanggung jawab kinitekenna ilebe-lebe Dibata. Isikapken Dibata kerina rencana ras proses majekken rumah pertoton e guna nampati jelma sinterem. Bali bagi I Timotius 4:12-16 ndai, Evan nggo ngasup jadi usihen ibas kiningudanna. Ipakena si lit ibas ia guna jadi pasu-pasu. Terpujilah gelar Tuhan.

Lit paksana ipake Tuhan kita ngelakoken si mehuli , lakokenlah